

Brjef ráðgjafans fyrir Ísland til landshöfðingja um tollskrár. — Eptir að fjármálastjórninni og utanríkisráðaneytinu hafði verið skrifað út af þóknanlegu brjefi 120 herra landshöfðingjans, dags. 19. marz p. á., um kvartanir nokkurra sýslumanna yfir 12. sept. því, hvernig tollgæzlumenn í Danmörku orða tollskrárnar yfir vörur, sem fluttar eru þaðan til Íslands og tollskyldar eru á Íslandi, hefur fjármálastjórnin tilkynnt ráðaneytinu, að hún hafi í umburðarbrjefi til tollstöðvanna<sup>1</sup> (sjá umburðarbrjefasafn yfirtollstjórnarinnar, nr. 2 1891, staffið h.) mælt svo fyrir, að fyrirskipanir þær, sem áður hafa verið gefnar með tilliti til áfengisdrykkja, öls og tóbaks, og að því lúta, að í hvert sinn, er skip er afgreitt til Íslands, skuli að svo miklu leyti, sem unnt er, tilgreina allar þær vörur, er skipið hefur meðferðis og tollskyldar eru á Íslandi, á tollskrá skipanna, með öllum þeim upplýsingum, sem nauðsynlegar eru til þess að reikna út tollinn á Íslandi, skuli eptirleiðis einnig gilda að því er snertir kaffi, kaffibæti, sykur og síróp, og brýnt fyrir tollembættismönnum, að gefa nefndar upplýsingar með svo mikilli nákvæmni, sem audið sje. Fjármálastjórnin hefir auk þess látið í ljósi, að skýrslur þær, sem hún hafi fengið um málefni það, sem að framan ræðir um, sýni, að gildandi ákvarðana, er lúta að því, að ljetta tollútreikninginn á Íslandi á vörum þeim, er hingað til hafa verið tollskyldar þar, hafi verið gætt af tollmönnum með svo mikilli nákvæmni, sem audið hafi verið eptir kringumstæðunum, og ef það hafi komið fyrir, að upplýsingar þær, sem á tollskránum hafa verið gefnar, hafi einstöku sinnum ekki verið fullnægjandi, þá verði að taka tillit til þess, að á vörum frá »transitupplagi« tollbúðarinnar í Kaupmannahöfn og frá »frilager« sje að eins tilgreind þyngd að umbúðum meðtöldum (brúttóþyngd), þegar þær eru teknar þaðan, og megi eptir gildandi reglum (242. gr. í tolltilskipuninni) flytja þær út, án þess skýrt sje frá eða rannsakað, hverjar þær sjeu, svo að það verði að nokkru leyti að vera undir álitum komið, hvort ástæða sje til eptir kringumstæðunum, ásigkomulagi vörusendinganna og skýrslu útflytjanda, að álíta vöruna tollskylda á Íslandi, og að tollgæzlumenn hafi því að eins, að slíkt verði álitid, rjett til að rannsaka nákvæmar, hver varan sje og hve mikið af henni. Fjármálastjórnin

1) Með því að svo hefur verið fyrir skipað með lögum 9. ágúst 1889, að þegar fluttar sjeu til Íslands eptirnefndar vörur, skuli greiða til landssjóðs:

1. af kaffi og kaffibæti hvers konar 10 aura af pundi,
2. af sykri og sírópi 5 aura af pundi,

þá koma til framkvæmda, einnig að því er þessar vörutegundir snertir, fyrirskipanir þær, sem skráðar eru í umburðarbrjefasafninu nr. 2—1872, f. og nr. 2—1876, a. um, að í hvert skipti, sem skip eru afgreidd til Íslands, skuli, að svo miklu leyti sem unnt er, tilgreina allar þær vörur, sem skipið hefur meðferðis og tollskyldar eru á Íslandi, á tollskrá skipanna, ásamt öllum þeim upplýsingum, sem nauðsynlegar eru til þess, að tollurinn geti orðið reiknaður á Íslandi.

Það er því hjer með fyrirskipað, að á tollstöðvunum sjeu gefnar upplýsingar þær, sem nauðsynlegar eru í nefndu tilliti, með svo mikilli nákvæmni, sem audið er, og sjerstaklega ber að sjá um, að á tollskránum sjeu tilfærð merki og »brutto«- og »netto«-þyngd í öllum tilfellum, þar sem tollgæzlulíðið getur aflað sjer þar að lútandi upplýsinga, og skal það tekið fram, að finna má »netto«-þyngdina á þeim vörum, sem fluttar eru út frá »transitupplagi« eða »frilager«, og sem á Íslandi eru tollaðar eptir vigt, með því að draga lögmetna umbúðaþyngd frá »brutto«-þyngdinni, eða reikninga umbúðaþyngdina eptir vöruskránni eða áætla hana eptir kunnugleik um þyngd umbúða.

10. dag nóvembermán. 1891.

- 120 hefir loks út af kærnunum yfir því, að í seinni tíð hafi verið látið fyrir farast að tilgreina merki á tollskyldum vörum á tollskránum til Íslands, tekið fram, að eptir tolltilskipununum verði að eins heimtað, að gefið sje upp viðtakandamerki þegar vörur í umbúðum eru teknar út af »kreditupplaginu«, »transitupplaginu« eða »frilager«, en ekki þegar um innlendar, innfluttar og tollleystar vörur er að ræða, og að tollskrárnar geti þannig ekki ætíð haft inni að halda upplýsingar um þetta.

Þetta er hjer með þjónustusamlega tjáð yður, til þóknanlegrar leiðbeiningar og frekari birtingar.

121

## Ágrip

af reikningi landsbankans 1. júlí—30. septbr. 1891.

## Tekjur.

1. Í sjóði 1. júlí 1891: . . . . .	kr. 68,152.42
2. Borguð lán:	
a. Fasteignarveðslán . . . . .	kr. 18,763.80
b. Sjálfskuldarábyrgðarlán . . . . .	— 9,284.33
c. Handveðslán . . . . .	— 1,515.45
d. Lán gegn ábyrgð sveita- og bæjarfjelaga o. fl. . . . .	— 800.00
e. Reikningslán . . . . .	— 122.33
3. Fasteign lögð bankanum út fyrir láni að upphæð . . . . .	— 750.00
4. Innleystir víxlar . . . . .	— 56,072.00
5. Ávísanir innleystar . . . . .	— 2,686.65
6. Vextir . . . . .	— 8,779.89
7. Diskonto . . . . .	— 644.77
8. Ýmislegar tekjur . . . . .	— 95.18
9. Seld konungleg ríkisskuldabryf að upphæð . . . . .	— 4,800.00
10. Frá Landmandsbankanum . . . . .	— 10,058.70
11. Innlög á hlaupareikning . . . . .	— 22,236.94
12. Sparisjóðsinnlög . . . . .	— 103,242.06
	Tekjur alls
	kr. 308,004.52

## Gjöld.

1. Lán veitt:	
a. Fasteignarveðslán . . . . .	kr. 40,740.00
b. Sjálfskuldarábyrgðarlán . . . . .	— 22,675.00
c. Handveðslán . . . . .	— 3,000.00
d. Lán gegn ábyrgð sveita- og bæjarfjelaga o. fl. . . . .	— 4,375.00
e. Reikningslán . . . . .	— 500.00
2. Vixlar keyptir . . . . .	— 52,477.00
3. Ávísanir keyptar . . . . .	— 2,650.00
4. Keypt konungleg ríkisskuldabryf að upphæð . . . . .	— 400.00
5. Útborgað af innlögum á hlaupareikning . . . . .	— 23,881.97
	Flyt
	kr. 150,698.97